

NEWS CLIPPING – PRESS

PR VALUE: RM 5,284.52

Client DSA Exhibition and Conference

Publication Utusan Sarawak

Date Sat, 7 March 2020

Section Ekonomi

Page No(s). 28

Circulation 37,981

Frequency Daily

Headline DSA, NATSEC Asia 2020 ditangguh ke Ogos depan

DSA, NATSEC Asia 2020 ditangguh ke Ogos depan

KUALA LUMPUR: Pameran Perkhidmatan Pertahanan Asia (DSA) 2020 dan Pameran Antarabangsa Keselamatan Kebangsaan (NATSEC) Asia 2020 yang dijadualkan pada April ini, kini ditangguhkan ke Ogos depan berikutan penularan Covid-19.

Menurut DSA Exhibition & Conference Sdn Bhd, acara itu akan diadakan pada 24 hingga 27 Ogos 2020 berbanding 20 hingga 23 April sebelum ini.

"Penangguhan itu diputuskan selepas mengambil kira pertimbangan dan rundingan terperinci dengan pihak Kementerian Pertahanan (Mindef), Kementerian Dalam Negeri (KDN) dan pihak berkepentingan susulan kebimbangan membabitkan Covid-19 yang menjejaskan perjalanan antarabangsa serta faktor lain," kata pihak penganjur itu dalam satu kenyataan, semalam.

Pengerusinya, Tan Sri Asmat Kamaludin berkata, keputusan itu dicapai sebulat suara walaupun acara terbabit akan hanya diadakan dalam tempoh dua bulan lagi.

Lokasi pameran tersebut kekal sama di Malaysia International Trade and Exhibition Centre

(MITEC).

DSA 2020 dan NATSEC Asia 2020 itu dihos, disokong dan dianjurkan bersama oleh Mindef dan KDN.

Asmat berkata langkah meminda tarikh itu dibuat kerana acara tersebut dijangka menarik kehadiran kira-kira 1,500 syarikat dari lebih 60 negara, 350 degelasi kehormat mewakili 30 negara serta 50,000 pengunjung dari serata dunia.

"Kami mahu memastikan persekitaran perniagaan yang kondusif dan produktif untuk pihak berkepentingan, pempamer dan pengunjung sepanjang acara itu

berlangsung.

"Oleh itu, kami berkongsi simpati terhadap mereka yang terjejas dan berharap penjadualan semula tarikh tersebut dapat memastikan DSA 2020 dan NATSEC Asia 2020 terus kekal sebagai platform penting untuk menggalakkan pertukaran serta perkongsian teknologi antarabangsa selain berupaya merencanakan hubungan kerjasama untuk memperkukuh aspek pertahanan dan keselamatan negara," kata Asmat.

Bertemakan 'Advancing into a New Era of Defence,' dua acara mega itu akan menyetengahkan

segmen yang tidak hanya tertumpu kepada platform pertahanan konvensional, sebaliknya turut membabitkan pertahanan siber, sistem yang dikawal secara jarak jauh dan penjagaan kesihatan di medan perang.

Malah, terdapat peluang besar dari segi pakatan strategik, kerjasama perniagaan dan menjalin rangkaian yang berjaya dalam kalangan penggiat pertahanan dan keselamatan selain agensi kerajaan pada DSA 2020 dan NATSEC Asia 2020.

Maklumat lanjut di www.dsaexhibition.com. – Bernama